



SARAJEVO - OSIGURANJE d.d.

Na osnovu člana 162. Statuta Društva SARAJEVO – OSIGURANJA d.d. Sarajevo broj 01-2163/18 od 26.6.2018. godine (OPU-IP 517/18 od 03.7.2018. godine) i Odluke o izmjenama Statuta Društva broj: OPU-IP-559/2022 od 05.07.2022. godine, člana 10. Zakona o osiguranju Federacije BiH (Službene novine FBiH broj 23/17 i 103/21), člana 11. Zakona o obaveznim osiguranjima u saobraćaju (Službene novine FBiH broj: 57/20 i 103/21) i člana 9. Odluke o dodatnoj dokumentaciji, vrsti i sadržaju akata poslovne politike koja se dostavljaju uz zahtjev za izdavanje odobrenja za rad (Službene novine FBiH broj: 84/17 i 15/19), a na osnovu dobivene saglasnosti Agencije za nadzor osiguranja Federacije BiH broj: 02-07.3-04-1667/24 od 05.06.2024. godine, Uprava Društva SARAJEVO – OSIGURANJE d.d. Sarajevo dana, 10.06.2024. godine svojom Odlukom broj: 01-5710/24 donosi:

**IZMJENE I DOPUNE USLOVA ZA OSIGURANJE VLASNIKA VOZILA OD
ODGOVORNOSTI ZA ŠTETU PROUZROKOVANU TREĆIM LICIMA**

U Uslovima za osiguranje vlasnika vozila od odgovornosti za štetu prouzrokovanu trećim licima donesenim 05.10.2023. godine Odlukom broj: 01-7502/23, a na osnovu dobivene saglasnosti Agencije za nadzor osiguranja FBiH 02.10.2023. godine Rješenjem broj: 02-07.3-059-2472/23 vrše se izmjene i dopune i to kako slijedi:

Član 1.

Nakon člana 13. (Priznavanje premijskog stepena) dodaje se član 13a koji glasi:

„Član 13a

- (1) Potvrda koju izdaje Društvo u skladu s odredbama člana 13. st. (7) i (9) Uslova obavezno minimalno sadrži podatke i to:
- Broj potvrde (sadrži kontrolni broj police osiguranja),
 - Kontrolni broj police osiguranja,
 - Ime i prezime/naziv osiguranika sa upisanim matičnim brojem/ID broj,
 - Adresa osiguranika,
 - Period trajanja osiguranja po navedenoj polici osiguranja,
 - Podatak da li je preneseni premijski stepen ostvren na polici osiguranja stečen na osnovu potvrde (DA/NE), ukoliko je odgovor DA potrebno je upisati podatak o broju potvrde i nazivu društva za osiguranje kod kojeg je osiguranik po polici ostvario pravo na premijski stepen,
 - Datum prekida (ukoliko je polica prekinuta),
 - Stečeni premijski stepen po polici osiguranja,
 - Premijska grupa vozila koje je bilo osigurano po polici osiguranja,
 - Marka, tip i vrsta vozila,
 - Registarska oznaka vozila i

- Broj šasije vozila.
- (2) Potvrda se izdaje u dva primjerka od kojih osiguranik zadržava jedan, a drugi primjerak društvo zadržava u arhivi društva s pripadajućom dokumentacijom. Društvo osiguraniku izdaje samo jedan originalni primjerak potvrde.
- (3) Ukoliko društvo osiguraniku priznaje pravo na premijski stepen na osnovu potvrde, kao kontrolni broj prethodne police osiguranja navodi se kontrolni broj prekinute police naveden na potvrdi.“

Član 2.

Nakon člana 16. (Promjena vlasnika vozila) dodaje se član 16a koji glasi:
„Član 16a.

- (1) Dokazi na osnovu kojih društvo za osiguranje utvrđuje status osiguranog vozila osiguranika su:
 - a) Potvrda/uvjerenje nadležnog organa za registraciju motornog vozila na kome je evidentirana da je predmetno vozilo odjavljena iz razloga (uništenje, mirovanje, prodaja, itd.), ili
 - b) Ovjerena kopija potvrde o registraciji na kojoj je naveden podatak o odjavi vozila sa datumom odjave (zbog zaštite ličnih podataka na kopiji potvrde o registraciji obavezno je precrtati i učiniti nečitljivim lične podatke posebno one koji se odnose na ime i prezime, adresu i matični broj), ili
 - c) Ovjerena kopija vlasničke knjižice na kojoj je naveden podatak o odjavi vozila sa datumom odjave (zbog zaštite ličnih podataka na kopiji vlasničke knjižice obavezno je precrtati i učiniti nečitljivim lične podatke posebno one koji se odnose na ime i prezime, adresu i matični broj), ili
 - d) Kopija potvrde o registraciji ili vlasničke knjižice na kojima je naveden podatak o odjavi vozila sa datumom odjave (zbog zaštite ličnih podataka na kopiji vlasničke knjižice obavezno je precrtati i učiniti nečitljivim lične podatke posebno one koji se odnose na ime i prezime, adresu i matični broj) ovjerena pečatom osiguravača i potpisana od strane ovlaštene osobe osiguravača koja je izvršila uvid u originalni primjerak navedenog dokumenta i utvrdila istovjetnost kopije sa istim, (na kopiji dokumenta pored potpisa i pečata bit će naveden datum kada je izvršen uvid u originalni dokument i rečenica da je kopija istovjetna originalu).
- (2) Pored dokumenata navedenih u stavu (1) ovog člana, ukoliko se iz evidentiranih podataka na istim ne može utvrditi razlog odjave, osiguranik je obavezan da dostavi ovjerene kopije drugih dokumenata kojima dokazuju razloge kao što su: ugovor o kupoprodaji, izjava o nekorištenju vozila i sl.
- (3) Na ovjerenim kopijama dokumenata iz ovog člana, kojima se dokazuje razlog odjave vozila, obavezno je precrtati i učiniti nečitljivim lične podatke o trećim licima koja se pojavljuju na istim, posebno one koji se odnose na ime i prezime, adresu i matični broj.
- (4) Ovjera kopije dokumenata iz stava (1) tačke b) i c) ovog člana vrši se isključivo kod nadležnog opštinskog organa ili notara.“

Član 3.

- (1) Ovi Uslovi, a nakon prethodno pribavljenje saglasnosti Agencije, stupaju na snagu danom donošenja, a primjenjuju se počev od 01.07.2024. godine.
- (2) Počev od 01.07.2024. godine Uslovi za osiguranje vlasnika vozila od odgovornosti za štetu prouzrokovanu trećim licima doneseni 05.10.2023. godine Odlukom broj: 01-7502/23, a na koje je dobivena saglasnosti Agencije za nadzor osiguranja F BiH 02.10.2023. godine Rješenjem broj: 02-07.3-059-2472/23, prestaju da važe u dijelu teksta u kojem su izvršene izmjene i dopune.

za Upravu Društva
SARAJEVO-OSIGURANJE d.d. Sarajevo
Direktor Društva
Kulić Arif, dipl. pravnik

Uslovi za osiguranje vlasnika vozila od odgovornosti
za štetu prouzrokovanu trećim licima

Važe od 01.07.2024. godine